

اتوار 18 اکتوبر، 2020

مضمون۔ کفارے داعقیدہ

سنہری متن: متی 5 باب 8 آیت

”دھن نیں اوہ جیہڑے پاک دل نیں، کیوں جے اوہ رب نوں دیکھن گے۔“

جوابی پڑھائی: 2 پطرس 3 باب 9 توں 14، 17، 18 آیتاں

9۔ خداوند اپنے وعدے وچ دیر نہیں کردا جداں دی دیر کئی لوک سمجھدے نیں بلکہ تہاڈے بارے وچ تخیل کرداے ایس لئی پئی اوہ کسے دی ہلاکت نہیں چاؤندا بلکہ ایہہ چاؤندا اے پئی ساریاں دی توبہ تیکر نوبت اڑے۔

10۔ پر خداوند دن چور وانگر آوے گا۔ اوس دن آسمان بوہت شور شرابے نال برباد ہو جان گے تے اجرام فلک گرمی دی شدت نال پگھل جان گے تے دھرتی تے اوہدے کم سڑ جان گے۔

11۔ جدوں ایہہ ساریاں شیواں ایسے طراں پگھلن والیاں نیں تے تہانوں پاک چال چلن تے دینداری وچ کینج داہونا چاہیدا اے۔

12۔ تے خداوند دے اوس دن دے آؤن دے کینج منظر تے مشتاق رہنا چاہیدا اے۔ جیدے پاروں آسمان پگھل جان گے تے اجرام فلک گرمی دی شدت نال گل جان گے۔

- 13- پراوہدے وعدے دے مطابق اسی نوں اسمان تے نوں دھرتی دی اڈیک کردے آں جیدے وچ راستبازی وسدی رہوے گی۔
- 14- تے اے عزیزو! کیوں بے تسی ایہناں گلاں دی اڈیک کردے او ایس لئی اوہدے سامنے اطمینان دی حالت وچ بے داغ تے بے عیب نکلن دی کوشش کرو۔
- 17- تے اے عزیزو! کیوں بے تسی پہلاں توں جان دے اوہ ایس لئی ہوشیار رہو و پئی بے دیناں دی گراہی ول کھچ کے اپنی مضبوطی نوں چھڈنہ دیو۔
- 18- بلکہ اپنے خداوند تے منجی یسوع مسیح دے فضل تے عرفان وچ ودھدے جاؤ۔

درسی وعظ

بائبل وچوں

1- احبار 6 باب 1 توں 7 آیتاں

1- فیر خداوند نے موسیٰ نوں آکھیا۔

- 2- جے کسے کولوں ایہہ غلطی ہووے پئی اوہ خداوند اقصور کرے تے امانت یا لین دین دے معاملے وچ اپنے گوانڈی نال فریب کرے یا اپنے گوانڈی اُتے ظلم کرے۔
- 3- یکسے گواچی ہوئی شے نوں لہجہ کے فریب کرے تے جھوٹی سوں وی کھاوے تے اوہناں وچوں کوئی وی گل ہووے جیدے وچ کسے بندے کولوں غلطی ہوگئی اے۔
- 4- تے جے اوہدے کولوں غلطی ہوئی اے تے اوہ مجرم بنیا اے تے جیہڑی شے اوہنے لئی یا جیہڑی شے اوہنے ظلم کر کے کھوئی اے یا جیہڑی شے اوہدے کول امانت سی یا جیہڑی گواچی ہوئی شے اوہنوں لبھی۔
- 5- یا جیہڑی شے دے بارے اوہنے جھوٹی سوں کھادی اوس شے نوں اوہ ضرور پورا واپس کرے تے اصلی دے نال پنجواں حصہ وی ودھا دیوے۔ جیہیں دن ایہہ پتا چلے پئی اوہ مجرم اے اوہ دن اوہ اوہنوں اوہدے مالک نوں موڑ دیوے۔
- 6- تے اپنے جرم دی قربانی اپنے خداوند دے اگے چڑھاوے تے جیہڑا مل دتوں مقرر کریں اوہنے ای مل داک مینڈھار یوڑ وچ اے جرم دی قربانی دے طور تے کاہن دے کول لیائے۔
- 7- ایس طراں کاہن اوہدے لئی خداوند دے اگے کفارہ دیوے تے جیہڑے کم نوں کر کے اوہ مجرم بنیا اے اوہدی اوہنوں معافی ملے گی۔

2- یوحنا 8 باب 1 توں 12، 31، 34، 37، 59 آیات

1- پر یسوع زیتون دے پہاڑ اُتے گیا۔

2- صبح سویرے ای اوہ فیہر ہیکل وچ آیاتے سارے لوک اوہدے کول آئے تے اوہ بیٹھ کے اوہناں نوں تعلیم دین لگیا۔

3- تے فقیہ تے فریسی ایک بڈھی نوں لیائے جیہڑی زنا وچ پھڑی گئی سی تے اوہنوں وچکار کھلار کے یسوع نوں آکھیا

4- اے اُستاد! ایہہ بڈھی زنا وچ عین موقعے اُتے پھڑی گئی اے۔

5- تو ریت وچ موسیٰ نے ساہنوں حکم دتا اے پئی ایہداں دیاں بڈھیاں نوں سنگسار کرئیے۔ تے توں ایس بڈھی دے بارے کیہ آکھد ایس؟

6- اوہناں نے اوہنوں آزمان لئی ایہہ آکھیا تاں جو اوہدے اُتے الزام لاؤن دی وجہ کڈھن پر یسوع جھک کے دھرتی اُتے انگلی نال لکھن لگ گیا۔

7- جدوں اوہ اوہنوں سوال کر دے ای رہے تے اوہنے سیدھے ہو کے اوہناں نوں آکھیا پئی جیہڑا تہاڈے وچوں بے گناہ ہووے اوہ پہلاں اوہنوں پتھر مارے۔

8- تے فیہر جھک کے دھرتی اُتے انگلی نال لکھن لگ گیا۔

9- اوہ ایہہ سن کے وڈھیاں توں لے کے نکیاں تیکر اک اک کر کے نکل گئے تے یسوع کلارہ گیا تے بڈھی وچکار رہ گئی۔

10- یسوع نے سدھے ہو کے اوہنوں آکھیا اے بی بی ایہہ لوک کتھے گئے؟ کیہ کسے نے تیرے اُتے حکم نہیں لایا؟

11- اوہنے آکھیا اے خداوند! کسے نے نہیں۔ یسوع نے آکھیا میں وی تیرے اُتے حکم نہیں لاؤندا۔ جا۔ فیہر پاپ نہ کریں۔

12- یسوع نے فیر اوہناں نوں بلا کے آکھیا جگ دی لو میں آں۔ جیہڑا میرے مگر ٹرے گا، ہیرے وچ نہ ٹرے گا بلکہ حیاتی دی لو پاوے گا۔

31- تے یسوع نے اوہناں یہودیوں نوں آکھیا جنہاں نے اوہد ایتھن کیتا سی پئی جے تسی میرے کلام وچ قائم رہو وگے تے اصل وچ میرے چیلے ٹھہرو گے۔

32- تے سچیا نال واقف ہو وگے تے سچیا نال تہانوں آزاد کرے گی۔

33- اوہناں نے اوہنوں جواب دتا اسی تے ابراہام دی نسل وچوں آں تے کدی کسے دی غلامی وچ نہیں رہے۔
توں کیوں آکھدا ایس پئی تسی آزاد کیتے جاؤ گے؟

34- یسوع نے اوہناں نوں جواب دتا میں تہانوں سچ آکھداں آں پئی جیہڑا کوئی پاپ کردا اے پاپ دا غلام اے۔

37- میں جان دا آں پئی تسی ابراہام دی نسل وچوں او فیروی میرے قتل دی کوشش وچ او ایس لئی میرا کلام تہاڈے دل وچ تھان نہیں پاؤندا۔

59- تے اوہناں نے اوہنوں مارن لئی پتھر چکے پر یسوع لک کے ہیکل وچوں نکل گیا۔

3- یوحنا 18 باب 19، 20 آیتاں

19- فیر سردار کاہن نے یسوع کو لوں اوہدے چیلیاں تے اوہدی تعلیم بارے پچھیا۔

20- یسوع نے جواب دتا پئی میں جگ نال علانیہ گلاں کتیاں نیں۔ میں ہمیشہ عبادت خانیاں تے ہیکل وچ جتھے سارے یہودی اکٹھے ہندے سی تعلیم دتی تے لک کے کجھ وی نہیں آکھیا۔

بائبل دا ایہ سبق پلین فیلڈ کرچن چرچ، آزاد لوں تیار ہو یا اے۔ ایہ لنگ جیہڑا بائبل دیاں آیتاں تے میری سیکر ایڈی دی لکھی ہوئی کرچن سانس دی درسی کتاب، ”انسس تے صحت آیتاں دی کنجی دے نال“ وچوں لیاں ہوئیاں لازمی تحریریں نال بنیاں۔

4- یوحنا 19 باب 1، 17، 18 (توں پہلا) آیتاں

- 1- ایسدے تے پلاطوس نے یسوع نوں لے کے کوڑے لوائے۔
- 17- تے اوہ اپنی سولی آپ چک کے اوس تھاں تنیکر باہر آگیا جیہڑی کھوڑی دی تھاں آکھواندی اے۔ جیدا ترجمہ عبرانی وچ لگتا اے۔
- 18- او تھے اوہناں نے اوہنوں سولی اُتے چڑھایا۔

5- لوقا 24 باب 1 توں 3، 15، 44 توں 47 آیتاں

- 1- سبت دے دن تے اوہناں نے حکم دے مطابق آرام کیتا۔۔۔ پر ہفتے دے پہلے دن صبح سویرے ای اوہناں خوشبودار شیواں نوں جیہڑیاں تیار کتیاں سی لے کے قبر اُتے آئیاں۔
- 2- تے پتھر نوں قبر توں ہٹیا ہونیا ویکھیا۔
- 3- پر اندر جا کے خداوند یسوع دی لاش نہ ویکھی۔
- 15- جدوں اوہ گل بات تے پوچھ گچھ کر رہے سی تے ایسداں ہونیا پئی یسوع آپ آکے اوہناں دے نال ٹر پیا۔

44- فیر اوہنے اوہنوں نوں آکھیا ایہہ میریاں اوہ گلاں نیں جیہڑیاں میں تہانوں اوس ویلے آکھیاں سی جدوں تہاڈے نال سی پئی ضرور اے پئی جنیاں گلاں موسیٰ دی توریت تے نبیاں دے صحیفیاں تے زبور وچ میرے بارے لکھیاں نیں پوریاں ہوون۔

45- فیر اوہنے اوہناں دا ذہن کھولیا تاں جو پاک کتاب نوں سمجھن۔

46- تے اوہناں نوں آکھیا ایہہ لکھیا اے پئی مسیح دکھ سہوے گاتے تیجے دن مردیاں وچوں جی اٹھے گا۔

47- تے یروشلیم توں شروع ہو کے ساریاں قوماں وچ توبہ تے پاپاں دی معافی دی منادی اوہدے نال توں کیتی جاوے گی۔

6- رومیوں 5 باب 8 توں 11 آیتاں

8- پر رب اپنے پیار دی خوبی ساڈے اُتے ایخ ظاہر کر دا اے پئی جدوں اسی پاپی ہی سی تے مسیح ساڈے لئی مریا۔

9- ایس لئی ہن جدوں اسی اوہدے لہو دے راہیں راستباز ٹھہرے تے اوہدے راہیں الہی غضب توں وی ضرور بچاں گے۔

10- کیوں جے دشمن ہوون دے باوجود رب دے نال اوہدے پتر دی موت دے راہیں ساڈا میل ہو گیا تے میل ہون دے بعد اسی اوہدی حیاتی دے راہیں تے ضرور بچ جانواں گے۔

11- تے بس ایہہ ای نہیں بلکہ اپنے رب یسوع مسیح دے پاروں جیدے راہیں ہن ساڈا میل ہو گیا اے رب اُتے فخر وی کر دے آں۔

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیہڑا بائبل دیاں آیتاں تے میری سیکر ایڈی دی لکھی ہوئی کرچن سانس دی درسی کتاب، ”انسس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

سائنس تے صحت

1- 15-13،5-1:18

کفارہ رب دے نال انسان دے اکٹھ دی مثال اے، جیدے تحت انسان الہی سچپائی، حیاتی تے محبت دا پرچھانوواں بن دے نیں۔ یسوع ناصری نے انسان تے انسان دے اکٹھ نوں بیان کیتا، تے ایہدے لئی ساڈے اُتے اوہدی بوہت زیادہ عقیدت دا بھارا اے۔

مسیح دا کفارہ انسان نوں رب دے نال جوڑدا اے، رب نوں انسان دے نال نہیں؛ ایس لئی مسیح دا الہی اصول رب اے، تے رب اپنی رضا جوئی آپ کینج کر سکدا اے؟

2- 11-6:19

یسوع نے انسان نوں پیار دا اصلی فہم، یسوع دیاں تعلیماں دا الہی اصول دیندیاں ہوئے رب دے نال راضی
ہوون وچ مدد کیتی، تے پیار دا ایہہ اصلی فہم روح دے قانون، الہی پیار دے قانون دے راہیں انسان نوں
مادے، پاپ تے موت دے قانون توں آزاد کردا اے۔

3- 31-23:22

غلطی توں اخیر رہائی، جیدے بیٹھاں رہندیاں ہوئے اسی لافانیت، بے انتہا آزادی، بے گناہ سیان وچ خوش
ہوندیاں ہوئے بھٹلاں نال سچی ہوئی راہ وچوں لنگ کے نئیں ملدی نہ کسے دے ایمان دے بغیر کسے ہو ردی
متبادل کوشش نال سامنے آؤندی اے۔ جیہڑا وی ایہہ من دا اے پئی قہر راست اے یا الوہیت انسانی تکلیفاں
نال آسودہ ہندی اے، اوہ رب نوں نئیں سمجھدا۔

انصاف لئی پاپی نوں اصلاح دی لوڑ اے۔ رحم بس اوہدوں ای قرض دیندا اے جدوں انصاف تصدیق کردا
اے۔

4- 11-1:23

ساہنوں پاپ توں بچاون لئی سیان تے محبت اپنیاں بوہت ساریاں قربانیاں دا مطالبہ کر سکدی اے۔ اک
قربانی، بھانویں اوہ کنی وی وڈھی کیوں نہ ہووے، پاپ دا کفارہ ادا کرن لئی کافی نئیں اے۔ کھارے لئی پاپی

ولوں لگانا بے لوث قربانی دی لوڑ ہندی اے۔ ایہہ الہی طور تے غیر فطری اے پئی رب دا غضب اوہدے پیارے پتر اُتے نکلے۔ ایہداں دا نظریہ انسان دا بنایا ہوئی اے۔ علم الہیات وچ کفارہ اک سنگین مسئلہ اے، پر ایہدی سائنسی تفصیل ایہہ اے پئی دکھ پاپ آلودہ فہم دی اک غلطی اے جنہوں سچائی نیست کردی اے، تے اخیریں ایہہ دونوں پاپ تے دکھ ہمیشہ دی محبت دے پیراں وچ آڈگدے نیں۔

5- 28-17:19

توبہ تے دکھاں داہرا احساس، اصلاح دی ہر کوشش، ہر چنگی سوچ تے کم پاپ لئی یسوع دے کفارے نوں سمجھن وچ مدد کرن گے تے ایہدی افادیت وچ وی مدد کرن گے؛ پر جے پاپی پاپ کرنا تے توبہ کرنا، پاپ کرنا تے معافی منگنا جاری رکھدا اے، تے کفارے وچ، رب دے نال ایکا کرن وچ اوہدا بوہت گھٹ حصہ ہووے گا، کیوں جے اوہدے وچ عملی توبہ دا گھاٹا اے، جیہڑی دل دی اصلاح کردی تے انسان نوں حکمت دی مرضی نوں پورا کرن دے قابل بناؤندی اے۔ اوہ جیہڑے، گھٹ وگھٹ کسے حد تیکر، ساڈے مالک دیاں تعلیماں تے عمل دے الہی اصول دا اظہار نہیں کر سکدے اوہناں دی رب وچ کوئی شراکت نہیں۔ بھانویں رب بھلا اے، جے اسی اوہدے نال فرمانبرداری وچ حیاتی گزارے، تے ساہنوں کوئی ضمانت محسوس نہیں کرنی چاہیدی۔

6- 31-22:25

بھانویں پاپ تے بیماری اُتے اپنا اختیار ظاہر کر دیاں ہوئے، وڈھے استاد نے کسے طراں وی دو جیاں نوں اوہناں دے تقویٰ دے مطلوبہ ثبوت دین وچ مدد نہیں کیتی۔ اوہنے اوہناں دی ہدایت لئی کم کیتا، پئی اوہ ایس طاقت دا

بائبل دا ایہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری، سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیا اے۔

اظہار اناجی کرن جیویں اوہنے کیتا تے ایہدے الہی اصول نوں سمجھن۔ استاد اُتے پورا ایمان تے اوہ سارا جذباتی بیار جیہڑا اسی اوہدے اُتے نچھاور کر سکدے آں، بس ایہہ اسی ساہنوں اوہدے مگر ٹرن والے نہیں بناؤن گے۔ ساہنوں جا کے اوہدے وانگر ای کم کرنا چاہیدا اے، نہیں تے اسی اوہناں وڈھیاں برکتاں نوں نہیں ودھارہئے جیہڑیاں ساڈے مالک نے ساہنوں دین لئی کم کیتا تے تکلیف سہی۔

7- 32-19:30

سچیائی دے انفرادی نمونے دے طور تے، یسوع مسیح ربونی غلطی تے سارے پاپ، بیماری تے موت نوں رد کرن آیا، تاں جو سچیائی تے حیاتی دی راہ ہموار کرے۔ روح دے پھلاں تے مادی فہم، سچیائی تے غلطی دے وچکار فرق نوں واضح کر دیاں ہوئے، ایہہ نمونہ یسوع دی پوری زمینی حیاتی دے دوران ظاہر ہندارہیا۔

جے اسی روح نوں پورا اختیار سنبھالن دی اجازت دین لئی مادی فہم دیاں غلطیاں اُتے مناسب طور تے فتح پالئی اے تے اسی پاپ توں نفرت کراں گے تے اوہنوں ہر صورت وچ رد کراں گے۔ بس ایسے طراں اسی اپنے دشمنوں لئی برکت چاہ سکدے آں، حالانکہ ہو سکدا اے وہ ساڈے لفظاں نوں نہ سمجھن۔ اسی آپ ایہدا انتخاب نہیں کر سکدے، پر ساڈی ملتی لئی ساہنوں اوہداں دے کم ای کرنے چاہیدا اے نیں جداں یسوع نے ساہنوں سکھایا اے۔

8- 17-5:34

جے مسیح، سچائی اظہار وچ ساڈے کول آیا اے تے کسے دوجی یادگاری دی لوڑ نہیں اے، کیوں جے اظہار
اعمانوئیل یارب ساڈے نال اے؛ تے جے کوئی دو جاساڈے نال اے تے اوہدی یادگاری مناؤن دی کیہ لوڑ
اے؟

جے اوہ سارے جنہاں نے ساکرامنٹ وچ حصہ لیا یسوع دے دکھاں دی اصل وچ یادگاری منائی سی تے
اوس پیالے وچوں پیتا سی تے اوہ جگ وچ انقلاب لے آؤندے۔ اوہ سارے جیہڑے مادی علامتاں دے راہیں
اوہدی یادگاری نوں لبھن والے نیں اوہ سوئی چکن گے، بیماراں نوں شفا دین گے، بدروحاں نوں کڈھن گے
تے مسیح، سچائی دی خوشخبری غریباں، منفی سوچ والیاں نوں دین گے، اوہ ہزار سالہ دور لیاؤن گے۔

9 - 19:35 بس، 25-29

ساڈا سپتسمہ ساری غلطی توں ساڈی پاکیزگی اے۔۔۔ ساڈا یوخرست اک رب دے نال روحانی شراکت
اے۔ ساڈی روٹی ”جیہڑی آسمان توں اتردی اے،“ سچائی اے۔ ساڈا پیالہ صلیب اے۔ ساڈی مے یعنی اوہ
مے جیہڑے ساڈے مالک نے پیتی تے اپنے پیر وکاراں نوں وی ایہدا حکم دتا، محبت دا الہام اے۔

10 - 6:324

سمجھتے اپنے آپ دی پاکیزگی ترقی داثبوت اے۔ ”دھن نیں اوہ جیہڑے پاکدل نیں؛ کیوں جے اوہ رب
نوں ویکھن گے۔“

11 - 8-1:28

فریسی الہی مرضی نوں جانن تے اوہدی تعلیم دین داد عوی کردے سی، پر اوہ بس یسوع دے مقصد دی کامیابی
وچ رکاوٹ پاؤندے سی۔ ایہتھے تیکر پئی اوہدے بوہت سارے طالب علم وی اوہدی راہ وچ کھلو گئے۔ جے
استاد نے طالب علم نوں لے کے اوہنوں رب دے بارے لگیاں ہوئیاں حقیقتناں دی تعلیم نہ دتی ہندی تے اوہ
کدی وی سولی نہ چڑھدا۔ مادے دی گرفت وچ روح نوں جکڑ کے رکھن داعزم سچپائی تے محبت نوں اذیت
دین والا اے۔

12 - 2-27:24

مصلوبیت دی افادیت ایس عملی پیار تے چنگلیائی وچ لگی اے جیہڑی انسان لئی ظاہر ہندی اے۔ سچپائی انساناں
دے وچکائے رہندی رہتی اے؛ پر جدوں تیکر اوہناں نے ایہہ نہ ویکھیا پئی ایس سچپائی نے اوہناں دے مالک
نوں قبر اتے فتح دتی اے، اوہدے اپنے شاگرداں نوں ایس گل دابقین نئیں سی پئی اتخ ہونا وی ممکن ہو سکدا
سی۔ جی اٹھن توں بعد، ایہتھے تیکر پئی غیر معتقد تو ماوی ایہہ منن تے مجبور ہو گیا پئی سچپائی تے محبت داثبوت
کنہاں وڈھاسی۔

13- 14-1:21

جے تہاڈی ہر روزدی حیاتی تے گل بات وچ سچییائی غلطی اُتے فتح پارہئی اے، تے تسی اخیریں آکھ سکدے او پئی، ”میں چنگی کشتی لڑ لئی اے۔۔۔ میں ایمان نوں محفوظ رکھیا“، کیوں جے تسی اک چنگے انسان او۔ ایہہ چنگیائی تے ایہدے وچ حصہ پاؤن والی گل اے۔ مسیحی لوک ایس توقع دے نال محنت کرنا تے دعا کرنا جاری نہیں رکھدے پئی کسے ہو چنگیائی، دکھ تے فتح دے پاروں اوہ اوہدی ہم آہنگی تے اجر پالین گے۔

جے چیلاروحانی طور تے ترقی کر رہیا اے، تے اوہ اندر آؤن دی کوشش کر رہیا اے۔ اوہ مادی حس توں دور ہوون دی لگاتار کوشش کر رہیا اے تے روح دیاں ناگن والیاں شیواں نوں لبھ رہیا اے۔ جے ایماندار اے تے اوہ ایماندارى نال ای شروع کرے گا تے ہر دن ٹھیک پاسے ای جاوے گا جدوں تیکر کہ اخیریں اوہ خوشی دے نال اپنا سفر پورا نہیں کر لیندا۔

روزانہ دے فرض

میری بیکرا ایڈی دلوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“، الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں دا پرچھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوٹیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ انصاف ہووے گا، اوہ بے قصور یا قصور دار ہووے گا۔

چرچ مینوٹیل، آرٹیکل VIII، سیکشن 6۔